



二酉園詩集卷之三

沔陽陳文燭玉叔著

七言古

長永鄒
振鐸西
詩子書

烏夜啼

國朝
詩集
卷之三

春風一夜吹楊柳妾心斷絕君知否向來清夢
到遼西啞啞啼聲驚不久停梭織錦有回文但
言莫作征人婦

鸚鵡洲晚眺

鸚鵡之草何青青孤帆夜半洲邊停呼來一尊

倒明月醉中如見鸚鵡形臨流披讀鸚鵡賦禰
衡之詞多怨訴當年險巇不足言風景依依江
上樹可憐慧辨更無前可憐毛羽真天然豈知
言語亦階亂付之禹俎誰生全丈夫在名不在
死黃祖老瞞俱已矣江夏何緣不畏名甘與曹
家作奴使至今日暮煙波生大江曲抱武昌城
城頭何人弄玉笛吹來片片梅花聲江頭花落
渾飛雨持杯問之誰其主赤壁旌旗曾蔽空不
及洲邊一撮土黃鶴仙人宛在樓仙才李白如
重游天風浙浙洗洲去一滌人間鸚鵡愁

猛虎行

猛虎山中發長嘯白日深林暮當道黃犢無聲
麋鹿遠磨牙撐腹雙眼耀五陵少年好射虎空
向人前鏃白羽徘徊終是射石心走窺行跡日
當午我聞九嶷有玉貧不攻倦來不憇三危峰
饑時若從猛虎食三危九嶷無安容

行路難五言

君不見見陌上塵乘風飄蕩隨人身從來將相弄

權柄賓客往往趨要津片言坐上有光寵填街
車馬如車輪一朝權去嘆零落翟家之門可羅
雀多少悠悠行路心不如窮交重然諾

其二

君不見冰上霜表裏俱寒不久長續紛競世亦
何益人間岐路真羊腸阿房宮殿盛歌舞今日
丘墟成草莽山鷄野雉棲其中纍纍高墳何足
數浮生當酒且當歌莫令含嘆歸黃土

其三

君不見枝頭花今朝滿地昨朝華漢家宮女見
花愛建章宮裏花如霞折花雨雨笑相語紅裝
花枝亦可誇長信麗人感偏動自言不及朝陽
寵年年對花今相思散聚翻憐花萬種

其四

君不見河邊草春日青青冬日槁紫塞從軍正
少年白髮飄零忽已老故鄉迢遙天一方縱有
音書不可到刁斗頻傳尚守關閨中思婦凋朱
顏人言太行路誠險似此離憂那得還

其五

君不見平地水東西南北無定止人生有命俱
自天富貴貧窮皆如此男兒萬事可並驪只愁
歲月流如駛我今遭際在盛年何人意氣能相
憐吞聲躑躅且勿嘆杖頭還有沽酒錢

秋夜長

秋夜長秋氣蕭蕭月如霜夜深展轉不能寐來
從錦石擣流黃香杵紋砧聲遍響停砧四顧動
遐想繡成鴛鴦本是雙仰觀鴻鴈都成兩一自
良人戍萬里音書愁絕層城裏衣成不覺淚沾
裳關山何日能逢使官家有衣聞有絮長短一
身不可據飛夢迢迢夜未央願與寒衣一同去

隴頭吟

焉支山下多草色祁連山前畜蕃息將軍久慣
識匈奴提兵直欲窮絕國夜深攬衣起狂走寶
刀飛箭仍在手關山四望盡胡騎垂老回思曾
奪取向來百戰總在身不見黃金懸左肘徘徊
流涕幾沾裳隴頭羌笛堪白首

二百四言集
卷之三
結交行

余過汴訪李川甫先生友人陳子壽作憶

汴歌曰占謝之

與君少年幾歌舞大梁北走非吾土明朝匹馬
我何之去訪夷門李川甫臨岐起舞君更歌暫
時分手情如何舉杯恰對嵩山月揚鞭欲挽黃
河波千山萬壑多遊冶七國爭雄戰盈野良將
名藏屠肆間公子車停抱關者往事悠悠難具
陳胡爲懷刺投荒城梁園雪賦自今古雪天訪
舊偏含情國朝詞賦論宗匠誰駕長風破高浪
空同大復弘德間文采翩翩光萬丈當年同調
有李生亳州君采曾齊名薜何不作獻吉死此
老高懸太白精詞場原是射鵰手含毫落筆千
人掃五馬徘徊沔水陽太守風流重山斗少小
同君未及門十年仰止仍乾坤君過滎澤我駐
馬黃河之水日夜奔君才亦稱謫僊子能使香
名滿人耳我當垂髮獨見君意氣相看余鄙
我家司馬解憐才玄亭奇字君頻來識君本是

青雲器遲君同上黃金臺黃金宮闕一指顧垂
柳垂楊總瓊樹宮雲苑月春復深不獨秋風有
良遇三楚聲華更一時九霄羽翮爭爲奇君還
獨步我自後兩人交好誰能移人言陳雷久不
逮結交之心千古在平生共羞仲產勲文章相
許追先代茲行我見夷門翁論交憶爾應無窮
長安陌上沽美酒看花竝馬行將同

放歌行送三伯謁選時家大人守職方

男兒生不成名死且恨出門寧說君門遠一夜
飛花沒馬蹄千里平郊草蔓蔓少年意氣不可
當赤髭白暫何揚揚泣珠辨璧亦往事古來顛
頓原瀟湘國風冲融比虞夏天子弓旌還在野
防胡新築廣寧城運籌且屬吾司馬今行正值
好春時玉缸花撲春偏宜五陵豪貴多相遇人
生不飲將何爲殷勤更進杯中酒燕然之銘如
在手謝家兄弟世所希阮氏才名我何有臨岐

拆贈新開柳

長安道

長安甲第如雲屯香車寶馬多豪門五侯七貴
不足言市上但知丞相尊四方玉帛晝若奔夜
半有人還扣閣一朝天子震乾坤七尺之軀那
得存今朝鈇鉞昨朝恩世事悠悠何可論

從軍行

漢家中興稱太平單于公然近京城承明殿前
羽書急廣寧門外胡笳聲將軍練兵更招募虜
反陰山使我戍鐵衣如雪更生寒夜半令人淚
如雨偏初聞道總封侯可憐白骨無人收游魂
尚作閨中夢悽惻空添行伍愁年年甘老荒城
下眼前誰是驅胡者所從若是李將軍不見胡
兒來飲馬

將進酒

君不見東園桃李花春風一夜成泥沙又不見
草頭露白日照之不及暮人生天地自沉浮杖
頭之錢何必富請君手持金叵羅聽我擲地金
聲歌古來高人多取醉我今不飲將如何伯倫
酒德頌逾切杜陵雲安春在世小兒拍手習家

池吳姬壓酒金陵肆禪心逃處酒應熟草聖流
傳正逢麴酒泉之封尚可移頭上之巾還可漉
古人一日舒長嘯千載追思欲狂叫紫府丹砂
總浪聞黃閣勳名空炳耀古人今人誰不死但
願金尊甘且旨長鯨一吸巨浪中漢江原是高
陽里

哀少婦

誰家少婦吞聲哭自言不見舊時屋去年胡虜
犯京師驅我沙場同馬牧絕塞寒威不可當一
身無有完衣裳羶裘暫披亦不慣舉目迢迢非
故鄉疾風揚塵忽中起虜管鳴悲頻在耳哀響
纏綿不敢呼胡兒穹廬時自徙四顧無人偶脫
逃仰觀星月長城高望星拜月指歸路鴻鴈南
征聲正號玉門關入追不及竄過荆棘須臾立
歸家夫婿已喪亡傍人見之都感泣夜深話舊
淚不乾向來奔走何其難遺骸故土始得返愁
見刀痕與箭瘢古人只言生女好惟有生男埋
百草豈知生女逼匈奴縱嫁比鄰還遠道

哀江南

往年邊塞只防虜胡塵不敢飛中土豈念今年
又備倭海南烽火胡能禦颶風蕭蕭發島洋戰
船千艘維孤嶼武夷山下集黃雲會稽城內飛
白羽姑蘇夜半少行人西湖一旦休歌舞甌越
頻年已不堪淮揚今日兵尤苦眼前城郭化爲
墟那說金錢與兒女廟堂懸賞示封侯黃金徵
調幾寰宇我聞聖人在上海不波日本胡爲有
弓弩長纓得請是何人一壘江天淚如雨

觀王右丞維滄洲圖歌得峰字

右丞一去已千載右丞妙手還崔磊人問已忽
訝十洲壁上不合懸江海石林赤日渺孤峰桃
花亂落武陵封當年避秦疑此地深谿遠澗尋
僊踪僊踪隱隱不可見筆底煙霞猶散卷山光
藹藹近人飛水勢潺潺當座濺維也維也今有
無披圖玩之終模糊安得坐我朝川上丹青與
爾同招呼

雨中懷江上草堂兼柬包元夫計曹蕭文

明比部

蕭京宮闕非吾土家山一別經年五晝夢迢迢
青草湖覺來唧唧黃梅雨雨聲似到胡床語結
茅爾在江之渚亭榭丹梯總是春陂塘六月疑
無暑萬竿寒玉煙雲裏七澤遊魚有新美白水
波深負郭田烏皮濕盡看山北看山今向天涯
陌簿書堆案胡相追歲月空慚楊子玄煙霞久
負羅含宅四顧發狂大叫折簡那能來二妙
千絲萬絲雨不如滑滑塗泥更誰道青山澤國
渺難度咫尺同心亦異處沾得清尊遲爾來涼
風吹動簷前樹

送李孝甫太僕還四明

木葉蕭蕭下城闕美人別我還吳越放舸晴牽
日暮雲停杯欲問青天月寒雲涼月解隨人一
言投合偏相親河橋且繫紫騮馬朔風吹動白
綸巾故山遙指東溟渤鴈蕩天台何峯岫問君
職掌十二閑何人更愛千金骨渥洼奇種亦無
媒負轅俛仰鳴長哀古來神識今安在秋深草

沒黃金臺丈夫遇合皆如此眼底浮名竟誰是
江行白也有新詩鴻鴈肯寄長安市

陳維錫太史夜過席上得明字酒酣遂成

長短句

空庭木落風亂鳴故人訪我歡相迎甕頭酒盡
話不盡冉冉浮生誰令名片心恰似城頭月夜
深還向城頭明彩筆生花何太吉昔劍光忽傍燈
前紫太行峯曉北斗寒故人勳業還如此天涯
青眼望高歌眼中之人吾與爾

天台行送邵司訓之寧海

天台秀插何其高倒影凌空駕海濤赤城霞標
擁萬丈寒泉瀑布飛千條穹隆懸磴真堪仰滑
石莓苔光欲朗扶桑曉日照天門靈溪一濯疏
煩想海上蓬萊路幾重波浮鴈蕩聲淙淙誰言
絕島少禋祀山光皎潔無登封煙雲縹緲掛晴
樹瑤草紫芝還可食當年劉阮遊壁間剝
蝕孫公賦君公棄鐸之四明談經散帙多餘清
披榛捫蘿時一上振衣况復同諸生君家科第

且屢世杭州巴蜀仍相繼揮毫更有祠部公秘
閣淋漓曾應制羨爾真能讀父書守玄高卧江
之墟北來雪花大如斗河梁立雪增躊躇悠悠
車馬總寒色送送音書定相憶官衙只喜近青
山勲名何必燕然勒試問山頭若箇峰側身住
目生長風向平婚嫁若待了盧敖之杖翻成空
君行且作天台客爲余先買登山屐摧眉折腰
我不能遠心欲煮天台石

西華行寄懷曾以三督學

我聞太白之精墮地五千丈巨靈咆哮分爲兩
諸峰崿嶢似兒孫中間削出僊人掌僊人今去
幾千年芙蓉清露還飄然丹崖翠壁迥若畫玄
圃瑤房如在前箭括通天手欲摩車箱谷口差
能過悲風蕭蕭動石榻牟公子先今如何黃河
萬里從東來搔管青天眞壯哉洪濤一線杯可
吸盤渦轂轉聲如雷當年我夢登其上二儀浩
蕩將焉往覺來枕席尚煙霞九節惟餘舊時杖
吾鄉曾子才且雄天書遙下蓬萊宮作人已見

迨大復雄詞直欲排崆峒有時振衣絕頂處含
毫洗卮驅玉女飛揚御日覽八極區區拳石真
鳥鼠雲臺泱泱亦增容明星萬點羅其胷揮鞭
西極盡天馬更叱茅狗爲蒼龍都亭別去兩三
歲故人風流若把袂平生意氣共嶙峋爲我真
源問白帝身游不與夢中同那能羽翼飛晴空
古來李白登此憶謝眺胡不與爾醉倒蓮花第
一峰

巳巳除夕擬杜七歌

有客有客在長安承明委珮聲珊珊誰言清朝
已刑措仰看時事心猶寒縱飲斗酒不成歡五
年未歸江之干嗚乎一歌兮歌未闌悠悠人間
行路難

不天其二

有父有父在高堂運籌曾作尚書郎旌旗曉度
飛狐口至今勲業遺邊疆山中題詠歸錦囊安
得置我于其傍嗚乎二歌兮歌欲狂寒燈熒熒
夜未央

其
朱
其三

有母有母已下世當年生我禱玄帝少讀女史
并諸書教兒不獨工文藝九載于今憶長逝黯
黯浮雲獨含涕嗚乎三歌兮歌始劇悲風慘慘
來天際

其四

有兄有兄富文藻平生怡怡情自好羽毛更得
兩鳳雛好向雲霄致身早幾年不共話懷抱江
市戎戎令人老嗚乎四歌兮歌愈浩池塘夜夜
生春草

其五

有兒有兒學我步大者讀書小能句手攜爾妹
總成行婚嫁何時畢良遇浮生萬感泣岐路柏
葉椒花仍歲暮嗚乎五歌兮歌屢度沉沉玉漏
依宮樹

其六

有友有友各一方欲往從之河無梁已知生別
常惻惻惟有死別牽我腸時有子雲伯現之感春流泯泯

還故鄉相思誰寄鯉魚長鳴乎六歌兮歌正揚
新月纖纖度女牆

其七

吁嗟我年三十五低頭奔走空塵土按劍無緣
附鳳凰揮毫不敢驕鸚鵡欲取瑤琴試一鼓絕
調知音自今古嗚乎七歌兮歌獨苦喔喔鷄鳴
頻起舞

送郭承芳僉憲河南

長安十月驚寒早長安一尊聊醉倒故人繡斧
惠文冠乘輅南去夷門道君年三十趨明光袖
中詞賦獻長楊公家屢朝皆賜第列卿御史尚
書郎自言出身報明主柱下英聲紹爾祖一官
卽得理冤民幾迴落日西亭樹亭中懷抱向誰
開燕歌郢曲相追陪雄篇楚楚青玉案片心矯
矯黃金臺三花遙指迓旌節九曲回看心共折
攬轡還清少室雲操觚且賦梁園雪梁園往事
那可論銅駝金谷隨灰塵荒城風物總蕭瑟憐
才弔古空愁人朔方昨夜傳刁斗馬渡交河南

牧久漁陽壯士慘不驕
誰取賢王懸左肘
君今驅馬洛陽城
洛陽古來多才名
請君雄劍一指顧
好向中原洗甲兵

梁舍人思伯寫見南江閣圖書寄大人燭
爲短歌附之

復州自昔雲夢野
一線澄江向東瀉
歸去幽人坐讀書
中結樓臺俯長夏
樓西纍纍又朱闌
城頭隱隱皆青巒
綺寮似對赤館頂
飛除欲掛烏林湔
黃金爐鼎已百煉
玄經草帙還千卷
蘭茝重歌澤畔吟
柴桑只喜南山面
有時天雨忽新晴
崇丘疊嶂湏臾成
空中殿宇列萬狀
雲開樹洗沙爲城
天峰吹墮青霄外
眞宰從來有明昧
海市如何忽上江
悠然見之與心會
嶺南梁子鳳凰雛
結交司馬曾驩娛
懷人似欲度湘水
酒酣亂點雲山圖
披之如對去年景
席上淋漓動光罔
蕭然那得坐其中
望望家山繫長頸
出塞行別楊參軍之大寧
男兒七尺當封侯
千金買馬裝刀頭
羨君本是

良家子腰間仍帶雙吳鈞
汶河水落胡塵起
滹沱冰合官軍止
朔風淡淡擁平沙
白日蕭蕭寒
易水東指遼陽西
大同紫荆况近甘泉宮
隴頭雲卷似列陣
關山月渺如懸弓
毛席葺壘須臾
集虎夫魚甲齊聲立
笑取賢王可繫來
往見將軍只長揖
將軍誰是霍嫖姚
決勝帷中還爾曹
揮之沙漠如脫兔
可令秋高來射鵬
君不見淮陰萬戶稱不朽
跨下少年何足醜
登壇一軍驚且走
漢家四百皆在手
戰場赤幟尚可尋
請君試度飛狐口

息
虛舟歌寄懷鄭山人中伯兼詢謝茂秦消

丈夫高視卑乾坤
曳裾瓠落多王門
片言投合卽知己
黃金結交安足論
我聞趙王昔好士
賢豪千里如雲至
鄴下應徐再見之
梁苑鄒枚亦不啻
就中更有謝生才
鄭也遠自東吳來
清流不共濁漳水
染翰時登銅雀臺
大鵬遙徙南溟翻
雕龍更仗談天力
已知明珠照千里
况逢光

寵投雙璧平原往事難重陳一時聚散如飄塵
泰山東望有谷口日觀之峰何嶙峋羨君意氣
復如此湖海卜居聊復止踈達惟宜竿仲過安
貧羞作鴟夷子黃鵠摩天事遠遊笑看天地原
虛舟如何竹素老不倦風晨雨夕燈猶篝江山
滿目多兵燹筆底煙雲差足遣去年寄我尺素
書高誼翩翩知不淺藜杖綸巾何可尋燕齊朋
侶誰知心薦君不能慚狗監知君聲價還雞林
悠悠世路多齟齬冉冉浮生真逆旅玄暉高調
與爾同謝生謝生在何許

淮河行送高郡判東歸

淮河城邊日將暮淮河舟邊葉如雨客子秋深
思欲悲况別同心在岐路同心擊汰何所之悠
悠將返瑯琊涯齊魯一壘青未了嗟哉世事如
奕棊往年秉鐸在六館石鼓遺文續其斷英英
少俊總在門遣子匈奴亦納款承明出入有光
輝天子臨雍曾賜衣胡爲遠作淮南吏催科日
與心相違淮南凋敝如可掬二月新絲五月穀

誰道瘡痍還可醫，骨皮不見心頭肉。憐君向我攢雙眉，回思逋賦完何時。泱泱誰流復再泱，嗷嗷黔首空其咨。馮夷欲遣無奇策，如何忽動煙霞癖。世事都消北海杯，閑情好着登山屐。君家崑崙泰山東，石閭玉几臨長空。寒雲忽傍秦松外，奇字多存漢禪中。尊前有酒且復盡，白晉交情亦堪憫。臨風對鼓猗蘭操，遏雲彈出箜篌引。浮名我亦輕羽翰，萼鱸况在江之干。請君爲掃天孫石，若箇峰頭好挂冠。今日歌聲淮水寒。

醉後別管山人

蕭蕭疎雨落長陌，故人維舟行且迫。岸頭有酒正如淮，斟酌紅光搖琥珀。丈夫自古多貧窮，黃金揮之如瓦石。馮紹張藻似尚存，畫圖往往垂竹帛。醉中分手一無言，醒後何人話干鬲。平生只有糟丘癖，茲行正過濟寧樓。爲我丹青肖太白。

白簡坡

白簡坡一
世世何如
世人意
原裝點
矣

黃金臺歌寄大兄北試兼懷孟以賢

昭王當日築高臺，驂騮馭裏紛然來。宛丘西極

不足推駿尾蕭梢走海隈千秋往事空蒿萊于
今明主方愛才金馬之門仍正闢吾兄骨相
本龍媒一日千里何壯哉故人意氣非塵埃故
人神駿非凡胎登高四顧共徘徊天風吹動秋
霜皚

宿太嶽絕頂夢中成長短句

太嶽之山何其高長江一線飛洪濤纖纖明月
真可拾浩歌一曲仍持螯吾家杖履挂雲樹冉
冉流光三十五嘉靖丙申家大人禱茲山生余疎薄誰言嶽降

神今日重過頻起舞青童兩兩何處來雲鬟素
手相徘徊謂我玉皇香案吏遺我一二流霞杯
希夷練脩有遺礎神女解珮如可語飛揚不在
宇宙間十洲三島非延佇呼吸真如帝座通高
標浩蕩摩長空白雲在下衆山小意氣泠泠思
御風嗟余本有山川癖遙向青冥拜奇石林猿
野鶴總堪題獨少僊才李太白山階外數丈亦
謝流匡山行贈李于少白黃齋對林林更問青
我聞李白多好竒金陵酒肆揮新詩五侯七貴

亦共酌氣岸凌人不可羈采石江寒飛白雪才
情流水俱不歇舉頭已碎黃鶴樓持杯更問青
天月月華樓閣迥千秋白也白也翻僊遊我亦
平生百觴醉恨不相逢鸚鵡洲吾鄉李子稱希
白紅顏綠鬢糟丘癖臨池工逼晉時書成詩頗
解唐初格煙霞林莽意相親名山到處思逡巡
有時出門忽大笑自言不是蓬蒿人吾家司馬
憐才者問字時時走亭下去年曾作頭陀碑寒
陵片石煩君寫興來與爾酣江樓清尊消却千
年愁眼中識人亦不少於今誰是韓荊州李生
李生醉且去匡山還有讀書處散髮何年結勝
遊暮雲長挂青天樹

過黃河投弔李川甫先生

夜來陌上多風雨曉起平明出長路褰帷遙見
太行山驅車且向黃河渡河流新水發桃花河
邊游絲挂晴樹龍門一派何壯哉千古寒濤只
東注懷人心事共悠悠腸斷梁園幾朝暮當年
匹馬夷門道景延堂上開懷抱昭代文章數李

何嵩少齊名爾亦好尊酒平原正有期鄰笛山
陽令人惱丈夫自古愛榮名富貴豪華安可保
河神飛夢爾之傍白楊蕭蕭暮宿草

解五嶽圖贈少林寺僧洪川廣令歌

夜坐不厭山中月晝行不厭山中雲雲飛月落
興無盡披圖指點岡巒分此圖真形號最古天
壤名山惟有五芙蓉日觀在東南蓮花僊掌開
西土太行峨峨碧玉間一到嵩丘是中宇携來
傍我亦有年何人贈之郭次甫高僧况是惠遠
流卜居他日能爲主好勒磨崖第一峰寒林夜
半生風雨

明妃村

我過明妃村前有明妃墓荒臺芳草自青青一
逐胡塵那復顧美人俊骨已不存後人爲之永
哀慕可憐顏色不足驕可憐恩寵無常遇秋來
霜白月更明悲風蕭蕭如怨訴假令當年老漢
宮長信流光亦易度何得佳名今遠布最恨君
門萬里長斜陽佇立荆門路

何嵩少齊名爾亦好尊酒平原正有期鄰笛山
陽令人惱丈夫自古愛榮名富貴豪華安可保
河神飛夢爾之傍白楊蕭蕭暮宿草

解五嶽圖贈少林寺僧洪川廣令歌

夜坐不厭山中月晝行不厭山中雲雲飛月落
興無盡披圖指點岡巒分此圖真形號最古天
壤名山惟有五芙蓉日觀在東南蓮花僊掌開
西土太行峨峨碧玉間一到嵩丘是中宇携來
傍我亦有年何人贈之郭次甫高僧况是惠遠
流卜居他日能為主好勒磨崖第一峰寒林夜
半生風雨

明妃村

我過明妃村前有明妃墓荒臺芳草自青青一
逐胡塵那復顧美人俊骨已不存後人爲之永
哀慕可憐顏色不足驕可憐恩寵無常遇秋來
霜白月更明悲風蕭蕭如怨訴假令當年老漢
宮長信流光亦易度何得佳名今遠布最恨君
門萬里長斜陽佇立荆門路

南叔後憲使召飲壘峨眉亭以雪大不果游
成長短句

明月滿江干峨眉雪未殘月華與雪艷照我衣
裳寒如何到此說去住徙倚空門日將暮磷磷
白石在青天翠黛雲鬟挂江樹關西才子約我
遊明珠片片仍相投未能冒雪到絕頂一愛名
山經幾秋頭陀更指岑今公碣今古豪華總消歇
明年三月峨眉青與君重醉峨眉月

酬山人王寅見懷兼以招之

仲房仲房爾在何方高歌懷我江之鄉爾稱十
嶽我稱五四宗之外何須數向禽兩人有同好
惟我與爾追千古我非宦遊爾非阮名山煙月
聊同適峨眉絕頂我亦游杖藜定有茲山癖眼
前倒屣當是誰漢家王符一縫掖

寄懷孫山人兆孺時訪王元美中丞

之子一葉舟曾繫淮陰市結社大河邊悲歌中
夜起然諾重千金散髮垂兩耳一歸洞庭山聞
到鄖西里鄖西主人王仲宣坐中君亦孫文始

賦得青城山歌送王召之憲使入賀

蜀山萬點青天出指點青城山第一自古傳爲
七洞天蒼翠陰陰造化密瓦屋遙連碧雲落雪
山咫尺寒光薄唐人錢起亦作歌更壓峨眉吞
劍閣僊家都會舒長嘯秦漢封禪都不到公家
逸少最好奇夢回汶嶺恣登眺惟君手持綠玉
杖少年身致雲霄上學海淵源讀父書筆走風
雷驚哲匠杜陵李白久云沒千載聲華同突兀
觴更滌浣花溪振衣直探峨眉月愛山我亦
同君癖年來汗漫登山屐臨岐遙望青城峰煙
霧蓬萊生几席青城似濯芙蓉水靈關爲門包
玉壘符采飛天茂八區故人胷次原如此故人
本是金閨彥馳驅走謁明光殿先朝柱下有直
聲 聖主當陽財一見此去關河路浩蕩華嵩
之間雲莽莽少林鐘磬欲浮衣蓮花僊露歸其
掌別君知君應憶我世上交游空瑣瑣雪夜玉
猷定放舟壁間塵榻吾虛左命舟下榻還難卜
故人青山時在日好采嵩雲更入呼遠臣更有

岡陵祝

西征篇有序

嘉靖乙巳表叔傅公督學于蜀作西征篇
時爲南戶部尚書書示不肖次韻寄懷愧
詞不逮云

我來巴蜀萬里相將誰言秦時樓觀在青天之
上皆封疆爰自沔水直走華陽雖有西南齊魯
之化終爲蠶叢魚鳧之鄉三廻巴水曲成字瞿
塘象馬令人傷朝雲暮雨道路悠長捫參歷井
俯仰何當猿猱挂樹杜鵑啼亡青衣洋瀆江少
舟航嚴遵下市久不見子雲玄草非其常明星
夜晦白日晝黃西望雪嶺飛駕石梁峨眉八十
四盤險隴經瓦屋相爲顏馳驅我亦登其上側
身南望白雲揚經羊腸之九折感叱馭兮正郎
况音書之稀阻憶杜甫之沾裳古人正愁絕中
心愴以商梁山劍閣沅花草堂鄉思半落奔走
不遑高篇縱橫憶往事夢回時到并州傍當年
至教可裁簡狂嗟余薄伎躡芳躅講堂石室胡

能忘西連弱水東斷扶桑勲名正協高宗夢畫
圖空鎖王維庄

周公瑕爲余書浣花草亭碑寄謝
浣花溪頭數竿竹溪上誅茅數椽屋故人爲我
題豐碑故人草聖真堪讀平生飄零憶杜甫感
慨論文仍惜古百花吹散溪水紅參天獨樹經
風雨烏鳴高枝月滿地似共山靈愛碑字徘徊
若問草堂費可嗔當年王錄事

飲陳于韶憲使卧雲樓醉賦

故人樓閣中天起簾捲東西列圖史一片嘉陵
入座清萬竿竹樹當筵紫故人邀我醉樓頭亭
亭江雲如蓋浮閬州佳麗自今古平生况愛名
山遊名山名園真咫尺玉臺觀碧靈山白門外
安車久候迎煙霞到手寧輕擲憶昔嘉靖庚戌
年吾家司馬曾相憐燕京酒人聞海內至今詞
賦傳翩翩屈指盛名只數子君才磊落誰能比
今夜相逢一縱談同心世誼悲歌裏悲歌不獨
爲論文世事翻覆同飄雲從龍觸石聊成卧蘆

花楓葉秋紛紛倚檻雲容有時黑似爲吾徒供
翰墨祥光隱見灑四溟秀氣參差垂五色怪得
家聲說子昂高篇感遇名何長平頭奴子夜沾
酒問之猶是射洪香射洪閨中堪步武讀書臺
畔今誰主對酒當歌雲亂飛醉中恍惚吟天姥
吟成珠玉滿座驚欲別不別仍含情夜深星斗
下樓去空濛霖雨還蒼生

大峨行

我聞軒轅黃帝訪道峨眉巔天眞之語至今傳
周時葛由有僊骨刻羊曾到綏山前綏山一桃
眞足貫綏山三景那能繫純陽真人吹洞簫野
鶴翩翩下清唳鶴鳴鳳翼共徘徊煙花萬樹空
高臺濟師琴韻久不作楚狂之名還崔嵬君平
不謂三峨小佐理名山見山曉黑水白環晉慧
通牛心丹鼎孫思邈孤峰落日火不煙雙橋流
水聲潺潺白雲正被希夷卧明月應來李謫僊
古人都愛峨山好月明誰在開懷抱娑羅樹上
多奇花寶蓋坪前有瑤草西域曾聞千歲僧巨

靈一劈天門升從來震旦此第一菩薩之石光
六稜稜光閃爍幾千變更走風雷銅鐵殿鼯鼠
成羣不避人神鳥高鳴報佛現夜半巖頭吐聖
燈平蕪一照飛千層普賢大士涉彼岸辟支坐
遣山靈應山靈自昔稱南戒雪山一帶渾如畫
曬經火焰宛相連數點蒼蒼銀世界與因峨山
饒且作峨山謠仰窺天路財咫尺雲中法駕如
相邀天門可仰不可上欲叩盧敖與向長天山
一色正微茫誰說峨眉之高幾千丈

次高敏甫檢討北上兼寄陳仁甫宮贊

春來百花飛滿路故人遙向瀛洲去太液波光
玉案通夜深猶見金蓮吐金門出入誰更好高
適陳琳共懷抱尊酒憐余萬里橋從來蜀道音
書少芳草斜陽一送君千山萬山青未了

酬謝山人茂秦見寄之作用原韻

青天萬里連雲樹故人書自漳河路七子中原
爾竝名建安不說應徐賦書中獨憶浣花溪浣
溪誰似驚人句甫也東西南北人喪亂兵戈此

流寓數椽茅屋今尚存夜半秋風聽如訴澄江
一檻俯軋坤橙林千丈經風露故人千秋亦落
魄出門曾作長安客固窮肯受將軍憐問奇屢
過高人宅側身天地管重回甘老風塵髮盡白
工部文章不浪傳一飯寧忘唐社稷高歌弔古
夕陽斜太平今日無兵華亭前花鳥莫深愁我
今漫興還虛石故人杖屨倘來過雪山石鏡情
何極

瀚臺雲馭歌有序

中丞羅公撫蜀巡川之南有箕僊筆甚奇
贈公別號書瀚臺雲馭公翩翩有僊氣命
燭紀其事因系之以歌

君不見周時王子晉嵩丘振衣千萬仞一夕吹
笙作鳳鳴俯視塵寰同尺寸又不見唐時李太
白平生最有懷僊癖蓬萊頂上思雲行二山呼
來供几席三山何處最高峰往往神遊八極中
鞭雷弄電不輟手更叱茅狗爲蒼龍羅夫子古
來豪傑俱如此遐齡幾見變桑田遠心還欲飡

石髓金銀宮闕歸瀚海投贈卅砂雅相待不但
文章光陸離不但勲名垂鼎鼐海氣雲容半有
無此圖揮出真靈符青城主人發長嘯三十六
洞吾其徒

寶劍歌送羅一化少叅之滇南
送君陌上春華好看君寶刀發孤嘯自言佩之
三十年飛揚不說風胡巧陸行犀革刺在手水
行直令蛟龍走有時流綺藏匣中有時長虹貫
北斗周旋八閩與三楚倚天騰電誰爲侶赤堇
昆吳亦浪傳駿馬名都不輕與携來七蜀仍破
敵九絲絕塞聲霹靂方知太阿偶一鳴青城赤
甲無兵檄關河迢迢今萬里臨岐把酒悲歌起
昆明點蒼天下奇劍氣光芒拂衣紫丈夫舒卷
歸長鋏碧鷄金馬還如昔腰間鋒鏑利新霜定
使勲名垂竹帛

圭兒北上應試歌以送之

黃金闕黃金絡叱馭登臺爾勿薄君王正坐延
英閣濯龍飛鳳多噴玉渥洼神品那能却何人

更是皇人毅長安陌上有伯樂東風一日長安
陌

紫宸宣對歌爲管建初賦

長安飛雪雪初霽江海孤臣來謁帝管生乍見
翻作驚咄咄冠裳有遭際憶昔談天碣石宮布
衣徃徃工文藝嶺南梁子黎秘書生也逢之比
蘭蕙相從過我草玄齋和墨含毫雅相契虎頭
玄壁若再新薛稷青田還不管周遊八極淮水
頭大山小山賦堪愛閣名無卧榻自懸亭開招
隱爲誰計太守清貧生更憐斗酒良宵幾沉醉
夢魂只在山水間解携尚記煙霞袂煙霞何意
遇明王畫家獨許看前輩上方給札內使傳武
英殿前欲面試小臣叩頭不敢言偏袒右肩膝
着地鵝溪絹拂赤水流橐籥聿就方壺出咫尺
應須萬里論墨花飛動宮雲靄天顏有喜逾近
傍大官珍膳遙相遍中書舍人秩最清牙綬相
將易蘿薜宋昌曾寫高士圖立本亦像功臣位
從來妙技重巖郎一日風雲便千載管生管生

遇太奇金馬之門聊避世

池口驛書懷

江濤正如吼江雨復如注
上有齊山之春草下有秋浦之古樹
我向池人問路岐徽州迢遞不可渡
兒女咫尺不相顧黃鸝恰恰聲如慕
振衣起坐不堪聞何況啼猿斷腸處

小孤山歌寄廖子占大尹

小孤山下風波小小孤山頭月華好
故人鳴琴坐山曉幽蘭別鶴聲渺渺
欲往從之隔遠道

二酉園詩集卷之四

七言古詩
三
泗陽陳文燭玉叔著

還山吟寄康山人裕卿歸永嘉

永嘉山人康裕卿平生偃蹇王侯輕
十年擊筑長安市片帆一夜東甌城
東甌昔有項家子爲余談生余倒屣
長長印短鋏日相過廷尉之門清如水
往聞倭寇起吳中將軍子高操彤弓生也
緩頰奏奇策縱有生死將無同劉郎授
馘手可

西園詩集 卷之四
熱幕下健兒似雲列掉頭辭去不復來將軍死
後扶歸節今歸不獨思故鄉更爲友人治其喪
金陵大哭聊獨往伊誰者子朱職方如生高誼
已蓋世詞華彪炳煙霞寄放浪真如孫太初謝
榛張詩曾不啻長安酒家自可眠生也與我心
相憐燕臺碣石共題品黃金草色今千年自從
一去淮河島三載重過仍醉倒陌上逢人白眼
多悲歌送我三巴道三巴聞爾還故山天台鴈
蕩爭開頰布袍綸巾只舊態殘雲疎雨迴秋嵐
嗚乎交情見生死荆軻聶政渾如此千秋置爾
節俠間乾坤颯颯悲風起裕卿裕卿難重陳丈
夫出處惟吾身青城洞天我不厭名山往往宜
騷人萬里橋邊一回晉萬里音書曾寄否好臨
絕頂掃蒼苔二鴈高峰落吾手

寄贈李本寧修撰之陝西分省歌

李生曾賜廐中馬寰中御者出其下自言奴僕
常命騷東觀聲名滿朝野忽報李生西出關關
門紫氣浮晴嵐飛揚跋扈無不可百二河山差

足探華山坐見蓮花擁月明疑是金蓮寵飄然
搔管問青天千載人驚李供奉

金陵歌酬方子及戶曹兼懷山人周文美

莫公遠

金陵山水真堪羨故人尺書如見面高歌幾上
鳳凰臺振衣舊是麒麟殿憶昨談天碣石宮舍
毫對酒生春風孱陵京山得二李睥睨千古何
其雄國朝文章數弘德信陽北地差生色閩中
更有鄭善夫公家學海原相翼故人少小有俊
才受詩興國稱奇哉中原七子正解散吾儕文
社重相開眼前意氣世無匹昔人交好原膠漆
湖海聲華一日同何意飄零忽相失惟君躡履
向金陵金陵勝槩同誰登六朝寂歷青天外三
山縹緲白雲層雲天迢迢書一紙二妙相逢雅
相視周郎文筆鴈蕩高公遠孤標寒于水山水
悠悠任所之馮陵大咩時相隨歡娛且從豪士
飲袒跣豈顧尚書期古來烏衣謝眺宅古來酒
肆李太白治城臺畔落寒雲采石江心挂明月

倦郎詞客總勝遊東屯西瀼余淹留安能飛渡
金陵澣雨花煙葉江之洲與爾三子酣高樓

寄送程孟孺秀才訪王元美中丞時客家

兄霍洞山房

玉山山中人如玉玉沙樓中幾脩竹美人放舸
醉樓頭激楚一聲江水綠吾家元龍得爾常恨
晚愛爾香名比蘭之九畹足蘭千山萬戶輕共
說王公主文苑新詩好寄青羌坂

江樓漁隱歌爲甘征甫憲使賦

巴江一去疾如羽更走金川繞孤嶼主人睥睨
百代間縹緲危樓江之澣憶昔杖藜過東岱日
觀峰頭吐文采飄然挂却惠文冠一葉漁舟雲
靄靄春風吹向蘆花宿長笑山中春酒熟我來
載酒訪江門周家涓濱疑此卜明時弓旌正在
野如君豈是悠悠者願言早擲手中竿委佩從
今相天下縱令濩落煙霞老不異鹿皮羊裘傳
盛事岑參亦言此翁取適非取魚世人那得知
深意

處士松歌有序

泰山蓋有秦松大夫云乃山半一松傍爲
今此處士余愛之賦得短歌

何年孤松如偃蓋慘澹蒼穹雲更靄昂藏不夢
十八公五封耻向秦人會我來見之獨自停上
有兔絲下茯苓疎柯月白色皎皎貞姿風細聲
玲玲誰言青牛亦至止誰言雙鶴翩翩起畢弘
葦偃畫最神安能圖我山房裏君不見魯仙連
獨處東海隅寧甘東海死帝秦之語胡爲乎意
氣千秋絕代無處士之松堪作對愧殺楊家莽
大夫

登泰山絕頂觀日出歌

夜來寒風吹客衾起視東方還未寅我登日觀
正絕頂文螭湧出黃金輪峰頭去海幾萬里泰
山之高高莫比甫臨陽谷光漸奇初照圓羅景
尤偉晴嵐曉露共濛濛千樹萬樹湏臾紅鍾山
之神自晝夜天風拂袖回長空浮生冉冉白駒
隙纔見朝陽又成夕魯陽之戈未易麾夸父之

逐徒自厄登山爲樂要及時眼底流光眞過客
京口舟中別莫山人公遠

瓜洲春已暮君向瓜洲渡風吹柳花滿路香風
前酌酒披情素送君君不顧留君君不住請君
試問江頭潮孤舟與之共來去

夜泊高郵湖上投吊朱九江子价宗學憲

子相

揚州巨浸有重湖高郵之湖多明珠我來秋月
正如洗扁舟容與維菰蒲良夜蓬窗偶多暇屈
指賢豪相上下維揚後人何可當西有寶應南
興化九江家學接崆峒揮毫雅擅曹劉風吏部
年少富文藻中原五子聲尤雄十載淮揚過故
里絕代高名堪仰止雷鳴瓦缶見黃鍾咫尺相
看二才子二子文章世所稀平生何意于輕肥
百花草堂山帶閣至今夜夜吐珠璣珠璣吐出
麗于錦朱舛聲華宗懋品斗間劍氣欲成虹海
上文光還結蜃我誦遺篇亦有年今夕煙波一
叩舷誰乘長風破巨浪誰窺玉海金山巔人生

百歲易流景富貴豪華只俄頃沙邊鷗鷺自爲
羣水面龜鼉常抱影聞余歌詠似有知紫莖涼
風習習吹丈夫意氣原今古相知何必仍同時
煙霞尚滿楊雄宅遺書竟抱中郎厄湍流長瀨
雲霏霏片言或可招魂魄

五言律

峴山

杖履來今日江山自昔年襄陽問耆舊楚國有
先賢遠岫連雲際津樓出柳邊摩挲斷碑在叔

子思堪懸

送和叔兄南歸

處處同客舍胡騎正紛紛兵革心初定關河手
重分青天吾徇月白晝爾看雲待到江樓日離
鴻噉噉聞

懷范伯禎

故人一別後佇立憶河梁鴈蕩山偏遠烏程酒
正香浮雲難託訊明月好相將試問三都賦何
時獻未央

秋夜懷按察公

何處恒山路迢迢夢亦隨如何聞鷓語還未遂
鳥私時欲上倒馬關逾險飛狐度正奇罷兵如
得請聊慰倚門思

送趙仲璞應試

趙壹才何俊孤帆下楚城三秋新水濶一壘大
江平芳草洲邊色梅花笛裏聲送君知得意翻
令壯心驚

鷓鴣

翠羽渾堪羨雕籠爾正羈愁深江夏賦感慨杜
陵詩世網張偏得能言聽自奇故山如有夢冉
冉隴雲垂

閤夜呈家大人

司馬歸田日蕭然意獨閑江聲懸檻外月色照
梁間帙散渾忘寐丹成好駐顏悠然何所有徒
倚見南山

飛花

遠道花偏落令人倍有思香飄風歷亂影度日

參差客路三千里鄉心十二時春華應再好看
爾上林枝

送童三丈北上用原韻

玉壺携美酒揜別在江城征馬嘶應遠流鶯語
自驚久知玄草富更夢筆花生待詔金門日難
兄舊有聲

五峰山色

五峰何處有隱隱隔江山興遠還能見幽偏未
可攀碧含雲夢澤青映竹林灣自是蒼茫景令
人一破顏

三澨波光

沔地東南紀孤城見禹勞只因陵更竟遂以水
爲濠落日涵虛遠天風湧浪高滄桑几幾變江
漢只滔滔

滄浪漁唱

欸乃聲何急滄浪孺子歌浴鷗驚水面宿鷺起
巖阿燕尾隨波泊魚脊掛樹多濯纓與濯足清
濁意如何

柳口樵歌

楊柳橫江上樵人渡口歸
浩歌豺虎遠野望夜
鳥飛芳草春來綠蓬蒿
雨後肥平原無一事聊
得掩柴扉

丙穴釣秋

秋水月娟娟魚竿宿舸船
縱鱗多赤尾縮項有
名鱸渚上蘆花雪風前
黃葉天何須杜陵詠此
景自堪傳

荆樓玩月

倚欄明月好乃是復州城
近水還先得臨觴倍
有情蟾光銀漢迥鴈影
大江清獨夜高樓看仍
聞長笛聲

東沼紅蓮

聯璧亭還在荷花冉冉香
荆姝原慣采越曲任
飛揚小摘多千葉含嬌
似六郎那箇還可飲幾
醉水雲傍

西城古栢

長夏門前樹森森不記年
青陰常滿地蒼靄欲

摩天甘露經恒飽高風受更偏
百花吹落處寒節總相憐

草堂卽事

楚澤狂歌日人猶羨陸通潛
身誰牖北避世且墻東江水
泐泐綠林花豔豔紅若無一杯
酒真覺負春風

送友人之南都

羨爾乘新水扁舟五月開
久推鸚鵡賦今上鳳凰臺
佳麗三山地繁華六代才
平生懷建業早晚下江來

夜夢子壽解元

念爾經春別相思夢裏看
黃金爲客盡白壁遇人難
寥落憐同病飄零感昔歡
暮雲煙樹渺遲爾漢江干

與陳公聖吉士夜話

車馬夜相迎張燈酒復清
百年同世業一夕訂交盟
星自天邊聚名從座上驚
醉來還病渴攜手墜金莖

夏日訪戴金吾伯常次吳明卿韻

講藝方求侶江鄉更素心
郢中元寡和海內幾知音
草色幽溪合花陰曲徑深
何須列冰陣對此是長林

寄徐子與使君

昭代文章伯聲名羨偉長
飄零詩更好慷慨與偏狂
海斥迷山郡秋聲慘客堂
主恩原不薄賈傅更投湘

乙丑秋日兀坐旅舍時素月凝空勁風吹
惟木聲搖落蟬嘒悽惻有懷篇詠斯亦遠
望如歸腸轉車輪者矣

懷大人

一自趨庭日俄驚又九秋
鴈稀書不到龍卧世何求
四海無烽燧當年苦運籌
近聞江更漲莫不穩漁舟

懷大凡

憶我情何極看雲意未闌
謝池春入夢姜被夜生寒
月露浮千里風塵滯一官
連牀何日話爲

道世途難

懷內

名利長安客經年尚未歸
陌頭楊柳色塞外鴈
鴻飛對月揮團扇臨風寄遠衣
却憐天際夢涼夜正依依

懷錦兒

撫頂俄驚別征衣淚更牽書來
嗟歲序夢度繞山川家學原詩禮
吾生任白玄誰知今夜月形影自相憐

懷五兒

得汝真稱慶愁腸日漸寬如何方
幼小不省憶長安骭髒心猶壯
蕭條鬢欲殘幾時看汝大早謝漢廷冠

陪祀山陵

蓬萊稱絕境縹緲列羣僊
出鑄弓還在人遐曆自傳雲如松
下蓋月到嶂頭懸聞說鍾山好何
時得此緣

其二

上陵何美美，顧我亦奇觀。徑轉山疑合，林迴樹
又團。千繆號暮雨，萬馬走崇巒。純德南中景，崔
嵬可共看。

別正卿叔還江上

天外驅征馬，踟躕意不前。何須悲白壁，早已辦
青錢。寸舌干時在，丹心向日懸。吾家靈運老，夢
爾得瑤篇。

其二

荏苒風塵裏，那堪手欲分。阮林今夜酒，楚國暮
山雲。歸去聊將母，還朝早致君。阿宜疎懶甚，不
作解嘲文。

得華容孫子書

故國文章侶，開緘一解頤。十年成洞草，二月對
江籬。白壁投人少，高山念我知。岳陽樓上酒，與
爾醉何期。

送襄陽孫都闡之貴陽

君向夜郎西，歸途又大堤。劍鳴秋氣動，旌擁楚
雲低。羽檄飛諸粵，兵氛散五溪。凱歌如奏雅，一

唱白銅鞮

秋夜省直

空堂秋慘淡
暝色向人遲
鴻鴈驚千里
鷓鴣藉一枝
興闌寒漏徹
坐久禁鍾移
倘獻甘泉賦
君王太乙祠

其二

落落悲秋意
飄搖永夜多
射鵰還近塞
壁馬欲沉河
碣石談無補
瀟湘夢亦過
上林明月影
猶自掛煙蘿

送史劉兩生還沔二首

握手俄驚散
徘徊更路岐
一樽懷故國
雙壁重明時
落日青絲騎
西風白苧詞
廣寧門外柳
折盡向南枝

其二

秋氣何蕭瑟
空庭一葉飛
自憐爲客久
偏憶送人歸
歲月彈長鋏
關河授短衣
故園江正潦
潮打舊柴扉

寺中訪明叔兄

咫尺空門路何緣似索居愁多樽有酒客久出
無輿古木蟬聲下虛堂螢火疎解衣盤礴處蕭
散數行書

十一夜望月

月向楓林出殷勤賞更先半輪飛子夜一望感
丁年玉漏沉仍急銀河倒欲懸迢迢今夕夢隨
影到江邊

十二夜對月

三五佳期近蟾蜍吐水明關山千里思礎杵萬
家聲朔鴈方南去庭鳥亦乍驚如何遠游子飄

泊尚神京

十六夜月聞簫

既望如珪月冰輪傍彩雲開尊餘舊醞倚杖未
虧分露氣侵簾影星光亂斗文洞簫何處引楚
楚不堪聞

十七夜月

只恐兩巖墮還從北斗斜不須論圓缺轉覺有
光華碧漢渾無夜清宵倍憶家何人江閣上徙

倚問天涯
宿昌平館呈張子用
不
今夕茱萸會停車落日遲未登高處壘翻動舊
時悲客舍飄無定王程况有期張衡幸同伴斗
酒慰相思

送項思堯下第還永嘉

長安一尊酒執手話襟期抱璞今何去憐才更
有誰江心孤嶼影天山萬峰奇不待逢人說尚
名自項斯

懋海印寺往嘉靖辛丑大人卧病茲寺張

文邦童士疇學士數往顧之寺廢今二十
年逢僧古淵誦鏡光等篇仍出素牋揮詩
如左書寄大人言念疇昔當深感云古淵

高僧使西域

當日招提境蕭條卧子雲名公頻見枉高調各
相聞古路苔猶積荒臺鳥自羣寒陵碑已斷無
復舊時文

其二

武皇曾駐蹕大地布黃金風雨還時序林巒渺
夕陰空王原自幻塵海亦何心翻憶宗雷輦叅
禪更賞音

其三

怪爾通番語勞勞話廢典軍持曾汲水法象共
消冰天竺克新使江臯有舊月光如鏡好那
更復傳燈

其四

指點仁祠舊穿雲尚附羅路迷清淨上木落放
生波廿載驚消歇今朝亦浪過爾心原不滅隨
處一頭陀

偶述

春日蓬蒿盛翻同仲蔚廬正多新歲感聊檢舊
時書何計追班馬徒能走壁魚廷中無一事慚
傍紫宸居

送張山人碩夫遊華山

華嶽高千丈尋源老更偏叩門辭我去岐路爲
君憐玉露浮僊掌雄風動石蓮不知臨箭插何

處可通天

送項思湯還永嘉兼懷思免
尊酒離歌動論交兄弟羽毛元鳳穴情與自
鷗盟未老空滄海何時訪赤城幽池池上草春
夜夢初生

送傅計部使楚兼省太夫人

露冕辭新殿星槎度舊廬倚門驚駟馬入饌有
江魚芳草王孫去蒼梧帝子居却憐歸未得執
手倍躊躇

送梁彥國廷評之留都

可惜投交晚相看意氣多西亭頻染翰北闕幾
鳴珂綠草江淹夢青山謝眺歌承明知不厭去
住渺關河

其二

梅遠還堪折懷人夜未央喜看南嶺近遙隔楚
天長秋氣飛雙鴈才名自五年金陵宮殿曉羽
翻任翱翔
懷童少遠

爲問綈袍意相思夢不成春風愁折柳少日共
班荆高閣長江峙孤帆遠樹行憐君真得意携
手入承明
聞鴈
玉河秋色滿羣雁一聲齊霜冷飛何急風飄影
漸低傳書疑塞北驚夢斷遼西南去蘆花渚那
能共爾棲

方子及進士李元甫李本寧二翰史夜過
待虛字

倒屣迎佳客清樽興不虛一燈留夜午萬籟動
秋初倚馬驚揮翰流螢亂照書莫言更漏永投
轄意何如

懷曾以三督學

不識關西路何緣入夢頻地形分二陝山斗重
三秦絳帳春風迥青蓮玉露新獨憐寥落久長
憶和歌人

余自乙丑官大理丁卯丘子雲以固陵令
擢計曹明年王觀生舉進士蕭文明除比

部包元夫使襄國還五子出入承明驪甚
人生朝露身匪金石先輩記游臨文咄咄
對味今知有常也

集王觀生
雙塔千年寺高標况右軍傳燈還未了卜夜正
初分杯飲瀟湘月談生碣石雲論文幾廿載何
處不同羣

集包元夫

作客憐鄉土相逢一快哉風流備可愛天遣况
初迴竹葉杯中盡燈花漏下開漢陰誇七子不
忝建安才

集丘子雲

我愛含香吏招呼興更長坐中同蟹國天際共
鷓行曾采三花樹今看一葉霜酒闌談往事羨
爾獨循良

集蕭文明

河朔曾聞勝狂歌自故豪開尊浮北海有美重
西曹月砌千蛩集霜林一鴈高亦知今夜酒渾

似醉江臯

送沈箕仲秀才還四明

愛爾能經術相逢謾解嘲黃金誰好士白雪自
論交驥足驚千里奇毛更九苞他年霄漢上握
手記晴郊

懷英明卿使君同康洪二山人賦

君去非嚴譴如何又嶺南虎符經遠道蜃氣落
晴嵐相憶腸迴九翻憐黜更三舊時同社侶欲
賦寄江潭

送人之軍中得城字

萬里憐君去秋高鴈正鳴此時多檄草何日罷
談兵霜色頻浮劍風塵欲請纓寄言麾虜使莫
遣度長城

柴門得車字

地僻真堪隱幽棲百慮除風聲時自入月色晚
猶虛看劍空塵榻鳴琴坐草廬誰言江海外還
復有公車

署中睡起

倦極拋書卧悠悠任我狂
蟬聲牽午夢樹色到胡床
展簟琅玕好解衣盤礴涼
簷前新雨亂蕭索似陂塘
寄和叔大兄
黃鸝磯頭月秋來有去航
當年慚季子此日羨元方
題柱心何壯登樓興未央
冲天憐羽翮可慰高堂

送詹侍御汝欽南還四首

封事驚排闥臨岐意獨憐
主恩深似海臣道直如弦
葵影頻傾背離思欲問天
壺公山下夢夜夜五雲邊

其二

抗疏才名重何緣下瓊闈
尚餘忠膽在不惜壯心違
芳草滄洲趣清霜白晝飛
別君無限意可令諫書稀

其三

三伏江頭雨蕭蕭問去津
慚余曾附驥羨爾獨批鱗
宇內何多事天涯有逐臣
賜環應旦夕慎

勿嘆沉淪

其四

寥落悲時事風前一劍寒
漢廷玄武仗世業惠
文冠共道生爲寄猶憐死未難
閩山歸去好飄泊路漫漫

送費參軍之留都

夔旌南下日搖落正新秋
羽檄還多事參軍好借籌
六朝黃葉寺二水白鷗洲
庾信江關賦能無寄舊遊

寄袁履善先生

一別江潭日誰憐澤畔容
壯心同失馬文字比雕龍
國士真殊遇吾生信可宗
結廬三泖上煙水欲相從

其二

赤壁逢壬戌今歸又幾春
自投曾氏杼甘老漢家新
詞翰誰能竝江湖意總親
袖中書一紙寧復問平津

送丘子雲計曹南歸

雙旌渺南去迢遞到江天作客同君久還家在
我前秋聲隨鴈下鄉夢爲鱸懸湖上明年約高
歌載酒船

訪袁魯聖吏部得秋字

握手含香客金陵足壯遊文章誰世好意氣更
相投月落千山色蛩吟四壁秋風塵那可問把
酒話滄洲

送童子鳴山人還越

骯髒狂歌裏江湖得爾奇何須排客難聊共解
人願鴻穴千行字桐廬一釣絲片帆風雨過秋
色起孤吹

蕭文明夜過因憶劉子和羅伯規丘子雲
長逝

楚楚山陽笛吹來欲斷腸故人渾異物與爾共
他鄉宿草何年墓甘棠幾處芳仰看天際鴈零
落不成行

雪夜同沈子靜陳仁甫二太史飲楊懋功

儀部宅得尋字

新雪迴風舞高齋入夜尋興來應被酒屬和有
知音暝色兼飛絮瑤華在上林故人渾聚管何
待訪山陰

雪夜得王素張江浦書却寄
積雪飄盈戶令人憶子猷相思來尺素何處覓
孤舟新絮飛宮柳銀河落御溝天邊望鳧鳥還
下五雲樓

送孫職方兵備浙江

蘋草帷中傲如君藻思饒許君單管樂遣將得
嫺姚盡入春江舫寒生夜雨潮劍光與霞色還
動赤城標

其二

好作天台賦登高况大夫壯懷籌九塞新命向
三衢山水真奇絕烽煙近有無平生憂國意珍
重是兵符

雪夜答中伯鄭山人見懷之作時山人年
八十餘矣

正有懷人意蕭條雪滿廬誰知青玉案來自碧

雲居握手何年是流光忽歲除漢廷行遣使重
授伏生書

其二

極目絕飛鳥寒庭下暮鴻不緣書偶至應是調
相同世事青山外交情白髮中梁園當日賦揮
翰許誰工

同陳仁甫檢討黎惟敬秘書李維寅環衛
康裕卿管建初山人對雪梁思伯舍人館
得溪字

坐雪憐深館何須泛剡溪禁林渾玉樹羣彥况
金闈風急鶴能舞庭寒鵲亂棲夜闌仍秉燭乘
輿漫留題

除夕前一日同蕭文明北部訪吳仲立僉
憲于報國寺

蕭寺逢知己西來擁節新語深渾不去歲晚倍
相親法鼓晴催臘慈燈夜引春年年湖海上同
是未歸人

送謝子卒業南雍

芳草王孫去鄉心誰與論三山還帝闕六館總
君恩匹馬憐青鬢流鶯轉白門因之問親舊把
臂幾人存

同楊懋功祠部訪曹有卿大叅于康山人
裕卿館

意氣憐同調令人病骨蘇春華依碧樹題詠滿
蒼梧月落空庭色星垂客舍孤幾時風雨夕還
得話江湖

贈了心上人

本來清淨處妙偈爾能工不是心能了何緣慮
自空鳥窺石鏡外花落水精中笑索題詩意相
看卽贊公

其二

聞寂逢僧話蒼茫送落暉因君如有悟令我欲
忘歸共向禪床卧寧從錫杖飛出門車馬道翻
覺與心違

送康大尹之河內

翩翩旌節去春色又天涯別意愁看柳徵書定

及瓜雙鳧過二室一鶴自三巴爲問河陽裏還
留幾樹花

其二

孟津何日渡風急吼濤聲黃鳥方求侶青山忽
送行一尊燕市酒百里偃師城寂寞談經處江
門憶友生

生兒志喜

敢謂雕龍業還因舐犢存羣兒驚有弟爾祖喜
多孫歸報家千里呼來酒一尊它時過駟馬江

漢已高門

送章澂甫歸錢塘

之子還南國翩翩有去帔風塵多客計雲漢見
孤標顏色晴疑雨帆飛暮弄潮西湖湖上水何

日其蘭橈

寄堪佳二姪

六載不相見相思芳草中一尊在何日雙劍倚
高風計爾干秦策慚余老漢宮秋來好音信夜
夜聽征鴻

答許高陽太僕

美人成遠望，入素誓相將。
意氣高千古，山川自一方。
玉生池是墨，張旭酒爲狂。
問爾逃名趣，還能似潁陽。

日與蘭林

九烈四奇

文全豐

取謂

戴身高



